



Index Librorvm Prohibitorvm Alexandri VII

Alexander

Romae, 1667

XXI. Sacræ Congregationis Indicis.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

Libri autem sunt, *videlicet*.

Acies Disputationum Politicarum methodicè instructa, &c. Auctore M. Reinhardo Marpurgenfi Hassio.

Basilij Monneri *Tractatus duo*. I. de Matrimonio. II. de Clandestinis Coniugiis. Georgij Debsæ, De Itinere suo Constantinopolitano, Epistola.

Historia del Concilio Tridentino, &c. di Pietro Soave Polano. *Editus in lucem per Marcum Antonium de Dominis Archiepisc. olim Spalat. Cum Eiusdem Præfatione & Dedicatoria.*

Iacobi Bornitij *Torgensis* Tractatus duo, I. de Maiestate Politica, & summo Imperio, eiusque functionibus. II. De Præmiis in Republica decernendis, deque eorum generibus, differentiis & mutationibus.

De natura Iurium Maiestatis, & Regalium explicatio. Matthiæ Bortij *Wojni-Megap.*

Libellus inscriptus, Due Prediche Catholiche; vna delle Opere buone; l'altra della Giustificazione dell' Huomo con Dio; Predicate nell' Imperial Palazzo di Praga, dal Rev. Padre P. Suero.

Tractatus de Salomonis Nuptiis; *vel* Epithalamium, in Nuptias inter Fredericum V, Comitem Palatinum, &c. & Elisabetham Iacobi Britanniarum Regis, &c. Filiam vnicam.

M. Thomæ Sagittarij Epistolica institutio, *seu* de Conscribendis Epistolis, Tractatus. In quorum fidem manu, & sigillo Illustrissimi, & Reverendissimi Domini Cardinalis Bellarmini præsens Decretum signatum, & munitum fuit, die 22. Novembris 1619. Robertus Card. Bellarminus.

Locus † sigilli.

Fr. Franc. Magdalenus Capiferreus, Ord. Præd. Secretarius.

XXI.

SACRÆ CONGREGATIONIS INDICIS.

QUANQUAM scripta Nicolai Copernici nobilis Astrologi, de Mundi Revolutionibus, prorsus prohibenda esse Patres Sacræ Congregationis Indicis censuerunt, ea ratione, quia principia de situ & motu terreni globi, Sacræ Scripturæ, eiusque veræ, & catholicæ interpretationi repugnantia (quod in homine Christiano minime tolerandum est,) non per hypothesim tractare, sed verissima adituere non dubitat: Nihilominus, quia in iis multa sunt Republicæ utilissima; vnanimi consensu in eam iuerunt sententiam; ut Copernici opera ad hanc usque diem impressa, permittenda essent, prout permiserunt; iis tamen correctis, iuxta subiectam emendationem, locis in quibus, non ex hypothesi, sed asserendo, de situ & motu terræ disputat. Quia verò deinceps imprimendi erunt; non nisi prædictis locis, ut sequitur, emendatis, & huiusmodi correctione præfixa Copernici præfationi, permittuntur.

Locorum, quæ in Copernici Libris visa sunt correctione digna, emendatio.

In præfatione circa finem. Ibi (si fortasse) dele omnia usque ad verba: *hi nostri labores*; & sic accommoda; cæterum *hi nostri labores*.

In cap. I. lib. I. pag. 6. Ibi (si tamen attentius) corrige. *Si tamen attentius rem consideramus, nihil refert terram in medio mundi, vel extra medium existere, quoad salvandas celestium motuum apparentias: omnis enim, &c.*

In cap. 8. eiusdem Lib. Totum hoc caput posset expungi: quia ex professo tractat de veritate motus Terræ, dum soluit veterum rationes probantes eius quietem: cum tamen problematicè semper videatur loqui, ut studiosis satisfiat, & series & ordo Libri integer maneat, emendetur ut infra.

Primo pag. 6. dele versiculum (cur ergo) usque ad verbum (prouehimur) locusque ita corrigatur: *Cur ergo non possumus mobilitatem illi formæ sue concedere, magisque quod totus labatur mundus, cuius finis ignoratur, sciri que nequit, & que apparent in celo prouide habere,*

INDICES
Librorum
PROHIBITORUM
E. V.
= 4.

habere, ac si deceret Virgilius *Aeneas*, &c.

Secundo, pag. 7. vers. (addo) corrigatur in hunc modum, *Addo etiam difficilius non esse contento & locato, quod est Terra, motum adscribere, quam continenti.*

Tertio, ead. pag. in fin. cap. vers. *vides*, delendus est usque ad finem capitis.

In cap. 9. pag. 7. Principium huius capitis usque ad versiculum (*quod enim*) ita corrige. *Cum igitur terram moveri assumpserim, videndum nunc arbitror, an etiam illi plures possint convenire motus, quod enim, &c.*

In cap. 10. pag. 9. Versiculum (*proinde*) corrige sic, *proinde non pudet nos assumere. Et paulò infra ibi (hoc potius in mobilitate Terra verificari) corrige, hoc consequenter in mobilitate Terra verificari.*

Pag. 10. in fin. cap. dele illa verba postrema (*tanta nimirum est diuina hæc D. O. M. fabrica*)

In cap. 11. Titulus capitis accommodetur hoc modo. *De hypothesi triplicis motus Terra, eiusque demonstratione.*

In lib. 4. cap. 20. pag. 122. In titulo capitis dele verba (*horum trium siderum*) Dat. Romæ 1620.

Fr. Franciscus Magdalenus Capiferreus Ordinis Præd. Sacrae Congreg. Indicis Secret.

XXII.

SANCTÆ INQUISITIONIS.

Feria v. die 12. Iunij, Anno à Nativitate Domini Nostri
IESV Christi, M. DC. XX.

In generali Congregatione S. Rom. & Vniuersalis Inquisitionis, habita in Palatio Apostolico in Monte Quirinali, coram Sanctissimo D. Nostro PAVLO Divina
Providentia Papa QUINTO.

SANCTISSIMVS D. N. Paulus, Divina providentia Papa Quintus, ut erroribus, qui in Librorum Impressione obrepere, & committi solent via penitus occludatur, opportuno remedio providere volens, in hærendo Sac. Concilio Lateranen. sub Leone Decimo, sess. 10. Et regulis Indicis Librorum Prohibitorum iussu Concilij Tridentini editi à fel. rec. Pio Quarto, & deinde à Clemente Octavo Summis Pontificibus prædecessoribus suis approbatis, & confirmatis; re etiam cum Illustrissimis, & Reverendissimis DD. Cardinalibus Congregationis S. Officij communicata, & maturè perpensa, motu proprio, ex certa scientia, & mera deliberatione, declaravit & decrevit, ut non solum in hac Alma Vrbe Roma à Vicario Sanctitatis Sux, & à Magistro Sacri Palatii Apostolici iuxta eiusdem Concilij Decretum, omnes Libri, & quæcunque aliæ Scripturæ imprimendæ examinari, & approbari debeant antequam imprimantur, sed etiam in tota Romana Prouincia huiusmodi examinatio, & approbatio accuratè fiat ab Episcopo loci impressionis, vel alio de eiusdem Episcopi mandato, ac ab eodem Sacri Palatii Apostolici Magistro ad id specialiter deputato à prædicta Congregatione Sancti Officij, ad quem simul, & ad Episcopos locorum eiusdem Romanæ Prouinciæ in quibus non sunt Inquisitores, Sanctitas Sua totum hoc impressionis Librorum, & aliarum Scripturarum negotium in eadem Prouincia Romana spectare voluit, & declaravit. Mandans insuper Sanctitas Sua, ut eadem Sacra Congregatio in dicta Romana Prouincia omnia, & singula in prædictis Indicis regulis contenta, exactè obseruari curet, & faciat. Inhibens propterea Vniuersis, & singulis Librorum Impressoribus, ac Bibliopolis sub Censuris, & pœnis in dicta Constitutione fel. record. Leonis X. & in prædictis regulis Indicis contentis, eo ipso absque vlla declaratione incurrendis, alijsque arbitrio eiusdem Sacrae Congregationis, etiam corporis afflictivis pœnis, ne in dicta Prouincia Romana Libros, & Scripturas, antequam ab Episcopo loci, seu alio de eiusdem Episcopi mandato, & præterea à prædicto Sacri Palatii Apostolici Magistro

dd 2

examinatæ,